

苗
防
备
览

通

防

各

覽



196448

苗防備覽藝文誌

復溪州銅柱記

粵以天福五年歲在庚子夏五月楚王
我烈祖昭靈王漢建武十八年平徵側
曰金人汗出鐵馬蹄堅子孫相連九九
綿遠則九九百年之運昌於南夏者
天子銘德諸侯計功大夫稱伐必有刊
恩信敢繼前烈爲吾紀焉宏臯承教濡
槃瓠遺風因六子以分居八五溪而聚
羈縻洎師號精夫相名映氏漢則宋均

師遂開辰錦邇來豪右時恣陸梁去就
世傳郡印家總州兵布惠立威識恩知
非德教之所加豈簡書而可畏亦無辜
生知因而善處無何忽承間隙俄至動
漸生邊患深入郊圻剽掠耕桑侵暴辰
作孽之心偶味戢兵之法焉知縱火果至
倚注雄德以文皇帝之徽號繼武穆王之
天人降止備物在庭方振聲明又當昭泰
鄙上言各請效命王乃以靜江軍指揮使
鉦鼓之聲震動谿谷彼乃棄州保嶮結寨

面劉勅虔遵廟算密運神機跨壑披崖臨參參時梯衝既合水泉無
汲引之門樵採莫通糧糗乏轉輸之路固甘斂甲豈暇投戈彭師杲
爲父輸誠束身納款我王愍其通變爰降招攜崇侯感德以歸周孟
獲畏威以事蜀王曰古者叛而伐之服而使之不奪其財不貪其土
前王典故後代著龜吾伐叛懷柔敢無師云保財貪地實所不爲乃
依前奏授彭士愁溪州刺史就加檢校云諸子將吏咸復職員錫
賚有差俾安其土仍頒廩粟大賑貧民乃遷州城下於平峽溪之側
將佐銜恩向化請立柱以誓焉於戲王者爲師貴謀賤戰兵不染鏑
士無告勞肅清五溪震疊百越底平疆理保父邦家爾宜無擾耕桑
無焚廬舍無害樵牧無阻用涂勿矜激激云湍勿恃懸崖絕壁荷君

親之厚施我不徵求感天地之至仁爾懷撫苟違誠誓是昧神祇
垂於子孫庇爾族類鐵碑可立敢忘賢哲之蹤銅柱堪銘願奉祖宗
之德宏臯仰遵王命謹作頌焉其詞曰昭靈鑄柱垂英烈手執干戈
征百越我王鑄柱庇黔黎指畫風雷開五溪五溪之險不足恃我旅
爭登若平地五溪之衆不足憑我師輕春冰溪人畏威仍感惠
納質歸明求立誓誓山川兮告鬼神保子孫千萬春右據狀溪州
靜邊都自古以來代無違背天福四年九月蒙王庭發兵收討不順
之人當都頭將本管諸團百姓軍人及父祖本分田場土產歸明王
化當州大鄉三亭兩縣苦無稅課歸順之後請祗依舊額供輸不知
管界團保軍人百姓亂入諸州四界劫掠走走戶人凡是王庭

差網收買溪貨並都幕採伐土產不許輒有違其五姓主首州縣職掌有罪本官申上科懲如別無罪名請不降官軍攻討若有違誓約甘請准前差發大軍誅伐一心歸順王化永事明庭上對三十三大明神下將宣祇爲證者王曰爾能恭順我無征徭本州賦租自爲供贍本都兵士亦無抽差永無金革之虞克保耕桑之業皇天后土山川鬼神吾之推誠可以元鑒

撫治苗疆議

蔡復一

五溪之地旣盡設哨矣哨旣有官有兵矣則哨官於兵畧夷情必日夜講求如農之有畔熟險阻於目中規利害於掌上然後守可得而固戰可得而克也大要其法一在於嚴制馭蓋蹠齧可箝驚緩可鞭

不必盡驟驥也惟當艷以醲賞恥以明罰則制馭有方後此哨官遇苗入掠堵截無損得三首級以上者府動庫銀造花紅送哨官鼓吹旌獎加以紀錄如本哨失事及縱苗越哨陷戶口數多者頭目兵丁網責哨官指揮兵道提責千百戶參將徑責令戴罪防禦若罪大者重刑之徇縱者參將究之悉無宥一在由應善制兵者分而能合哨官合本哨如一人參將又合諸哨如一人臂指使之何苗之不可擢今者每日遊巡僅十許人耳猝遇敵苗本營不救鄰哨有警高坐不赴而哨官亦憚與苗遇斂兵於苗跡不到處苗過則曰道偶相左宜令守哨官將本哨兵除分守小營外通計在營兵數編以什伍法分爲三大隊每日輪一隊守炮樓伏路把隘一隊遊巡接應二隊中

有一人偷閒在營者卽經責貫耳凡遇敵之處傳砲爲號遊巡兵卽
馳往截殺哨官親赴督戰苗勢大卽連傳三砲其一隊在營者再行
接應至鄰哨聞警法當救援然約束不明則推諉易起號令無節則
奔走亦疲應分地爲約如西哨賊犯其東則專責東鄰哨東哨賊犯
其西則專責西鄰哨南北亦然彼此相援當援不援者與失事同罪
庶兵有率然之勢而苗亦不得牽制以爲我也一在於守要害苗路
多岐衝險之處撥兵守截預設伏弩擊石寇至矢石交發安能飛度
至猿崖可越成爲徑僅通又當增險爲守設法堵塞仍倣鐵蒺藜法
多砍棘刺謾布塗土暗削竹簽木椿埋釘土中以陷其來又苗善於
用弩利在茂林凡近苗林籌酌畱我兵藏伏之處餘俟天霽風高縱

火焚燬使狡苗坐草撲人不得潛藏我兵乘高瞭遠洞無遮蔽亦奪其所恃之一法也一在於制熟苗夫生苗巢穴甚遠有重山以環之有熟苗以間之彼何知某村寨可虜某徑路可通某哨隘疎防可掩哉則熟苗爲之鄉導也先年苗人食糧不過百數十人其後日新月盛兵不能戰則餌惡苗爲羈縻之資兵不能守則養順苗求捍蔽之用通計營哨共一千餘名歲糧割兵餉十之二矣此外尙有挾撫之糧不與使熟苗果內向無他猶可言也今則羈者不可羈而捍者不能捍豈惟不能且引生苗以虔劉我邊陲蕩搖我保聚剽殘我赤子且官糧之外脅稱耽守其材勒取歲月常例名烟火錢旣廩於官又食於民倏爲順苗以領糧又倏爲生苗以行劫是彼兩利而我兩害

也如去年劫洞溪擄婦女萬氏逼贖數十兩卽糧苗麻老二之巢今
正月又擄本婦以去而劫王會都桐寨掠三十餘口者亦有麻老二
子弟舉一麻老二而千餘名可知矣以剗肉醫瘡之餉反成藉兵齎
糧之禍豈不痛哉夫惟吾兵政不修故順苗皆寇吾兵政果修兵可
制苗又何恃於苗一在於責擔承永順土司約束鎮苗保靖土司約
束算苗每歲俱令具狀擔承正分北三苗疆以戎索之意也今則擔
承毫無實效夫兩宣慰司受國恩世有爵土生苗皆其部落而坐視
匪苗虎兇出柙典司何存雖在我疆吏自當勵兵固圉惟敵是求不
必專倚土酋爲緩急然擔承題奏明旨分管義表靖恭而棄命廢職
隸也不力以部苗爲邊陲憂甚非所以凜天威安疆圉傳訓子孫之

道也宜諭二宜慰司恕其已往之咎責以將來之忠擔承苗巢嚴加
鈐制如有侵軼卽發兵殲厥首惡能勤職於土官者嘉獎之不如職
者戒飭之甚者加以罰榮辱旣分趨避必勇不惟以固吾圉而激勵
土司使勉爲忠義以保業享名其爲恩實深且厚矣五寨篁子坪二
長官司滑石巡檢司與營哨錯處均當奉法竭力而篁子坪轄四十
八寨其責尤重擒惡撫順有功賞之懷奸取利必提問以治其罪譬
馭馬者銜轡在手不剛不柔則四牡之力可盡也凡此五者皆治苗
疆之大要也擴而充之則又待賢者以爲通變

邊防議

游震得

蒙論使議苗事此誠邊防之要也凡苗寨前後左右直計之僅百有

餘里宣德八年大經草薙存不滿百於時楚設烏巢關黔設龍勢關
正德八年楚設鎮筵守備并湄亮營了刺關黔設立銅仁守備并亞
寨關地架關俱皆逼近苗寨彈壓得宜嘉靖三十一年復設小坡銅
信水田等哨去了刺二十餘里洞口筵子坪等哨去湄亮五十餘里
中間荒棄五寨故土綿亘亦計五十餘里去苗愈遠而設備愈多形
勢愈分而費兵愈衆不惟殺伐之威朱德亦於防守之計未審也今
欲修設舊關控扼要害地廣人稀事勢不易惟招撫流亡使黃臘等
寨都溶等堡筵子洞口永安等哨生聚繁盛氣完勢重然後責令土
司進逼了刺湄亮或於池河書疆設守則一十三哨之兵可以漸省
湖北之民可更生矣更有慮者邇來東海征倭動調永保容美并大

刺鎮溪諸土兵涉境三千餘里以舟楫言之始則官爲捕送繼則兵自搶掠拘繫連月勞苦彌年商賈爲之不通舟人因之喪業其困一也以供億言之土官目把名色衆多廩糧犒給應付無藝公儲旣空民力並竭其困二也况又分兵陸行騎坐馬匹數百爲羣臃壯則佔騎不還瘦弱則剮死相繼其困三也寄宿民居折屋爲薪毀廩求食甚至捲擄人畜姦淫婦女此則水陸之所同苦其困四也且土兵以調發爲重驕盈之氣日生楚人以調發爲苦疑畏之心日甚惟思轉徙以冀幸免若復再聞調發必將瓦解流移設有奸宄乘機嘯聚烏可無慮至瀘溪蠻兵通上下五都共止編戶二里老弱生齒數才二千選其強壯不過十得二三又皆山野頑民其號爲長技者捕獵小

能耳非若軍衙之兵教練有素統屬有主若必調取縱之遠行飽則聚而爲民饑則散而爲盜誠恐赴敵未有可冀之功而地方先有難勝之害伏乞煥發德旨示無再調則民安無擾而隱患可彌矣

苗地屯糧議

王士琦

鎮筸營哨相距各數十里土城之內尚有房屋出城則崇山峻嶺一望蒼莽絕無人跡然各哨土地膏腴溪洞之水足資灌溉宜令出哨之民不論土著流寓悉聽籍名照州縣保甲之法一甲五戶一戶若干丁聯爲鄉兵任其無主之地自議開墾各分疆界創結草廬十年之內雖有豐收免科糧稅每歲終哨官以鄉丁開墾田若干畝申撫獎官爲稽覈以杜爭冒撫獎官仍每歲於哨官中擇其善能勸相開墾

最多者詳請優獎以示激勸久之阡陌旣富則廬舍櫛比卽以此民抽選訓練平居互相守望有警協爲防守則屯卒募兵之道均得矣

邊哨疆域考

有引

侯加地

辰郡介夜郎牂牁萬山嵯峨不百里爲古槃瓠地種類星羅狡獪莫測自少保張岳始議建哨兵備袁應文守備陳師表諸人相繼而來險要漸歷營堡漸增庶幾防維不遺餘力顧民苗參錯生熟雜居聚落有方隅出入有路徑不有以審其疆域要害之詳無以見聯絡應援之勢是用考其原委以爲籌邊之一助鎮筰古巫黔極北地記所謂三楚之圍五溪之徼是也西北有所曰鎮溪東北有坪曰筰子坪故統曰鎮筰云其五寨則主將駐劄地迤而北則長寧箭塘盛華水

安永寧鳳凰王會迤而東則清溪靖疆洞口箠子轉而之東北則乾
州強虎轉而之西則石羊小坡其他小營堡各附其地而以鎮溪所
終焉轄地廣袤八百餘里東距虞溪南抵麻陽西接烏羅北連永保
東南一百里界乎辰溪東北二百里界乎沅陵西北三百里界乎蜀
之酉陽石耶邑梅西南一百五十里界乎黔之銅仁中間凡爲哨者
十四爲營者二爲所者一五寨哨倚參將鎮城東至石羊南抵永
安切近貴苗西鄰崑坎直通黑龍潭冷昔生寨設立崑坎江小營防
禦北接長寧通殺牛坪三箭塘湄筍等巢青山木林二處各立小哨
設砲樓五曰奇山曰蘆荻曰永豐曰蒿菜坪曰平寨設隘門三曰西
隘曰北隘曰永豐隘苗路如湄亮布管羅鐵崑坎乃其大門與長寧